

najwjetšu khwalbu. Tola wón njespokoji so z tym, zo by pola swojeje inspekcije derje wobstał, ale nałoži zbytny čas na njeporučene a tola wužitne džěło a skutkowanje. Jako bě hižo w serbskim towarštwje na seminaru svojich towaršow w serbsćinje rozwučował a k wótčinskemu skutkowanju napominał, tak poča jako wučer do Serbskich Nowin dopisować a nastawki do „Łužicy“ pisać z podpisom K. z Doła. Šulsku knihownju załožiwiš staraše so, zo by so ličba serbskich knižkow w njej rozmnožiła, a napominaše mužow swojeje šulskeje wosady, zo bych u tola tež za maćičny dom w Budyšinje dary woprowali. Wón rysowaše pilnje a zhotowi dobrowólnje a darmo podobiznu našeho J. E. Smolerja, kotraž bu z nakładom Maćicy Serbskeje w swětłócišću wudata, jak tež wobraz dotalneho stareho maćičneho domu. Z tymi a druhimi skutkami běchu naše nadźije z prawom wubudźene, tak zo je naše želenje wo zemrěteho čím hłubše.

Hanuš Knjez wukhadža z pobožneje serbskeje swójby města Budyšina, w kotrejž so wšědnje rano a wječor staw ze serbskeje biblije čitaše. Z tym wocući w nim přenja lubosć k Serbowstwu, jako jeho přećel A. Žemr we „Łužicy“ wobtwjerdža. Tule lubosć njerubi jemu ani cyle němska šula měšćanskeje syrotownje, kotruž wot jutrow 1869—77 wopytowaše. Jutry 1877 zastupi do wučerškeho seminaru a běše tam we wšěch klassach přeni. Před poslednim pruhowanjom 1883 skhorje tak strašnje na płuca, zo dyrbbeše po lěkarjowej radže w Görbersdorfje wustrowjenje pytać. Tam wobkhadžeše z někotrymi pólskimi hosćemi a wudokonja so w pólsćinje. Wottam so wróciwši čuješe so dosć strowy a wobsta jutry 1884 jara khwalobnje kandidatski examen. Lětni čas wužiwaše k posylnjenju swojeje strowoty a na Michała nastupi wučerške zastojnstwo w nowozałoženej šuli w Móšecach při Čornicy. Bohužel dyrbbeše hižo w lěcu 1886 dla znowaskhorjenja na suchoćinu tuto jemu lube město mjez Serbami zaso wopušćić. W staršiskim domje bu wšitka móžna pomoc nałožowana, ale po Božej njewuslědnej radže podarmo. Nadźije poľny młodženc přihotowaše so z podaćom do Božeje wole k zažnej smjerći, kotraž jeho 14. februarja t. l. z khorosće wumóho.

Jeho wulcy zrudźenej staršej zhubištaj w njeboćičkim swoje jeničke džěćo, šula swěrneho wučerja, my jeho přećelowje přikhil-